

Ilagiinni Naalagaaffiup tapersersugaanni uppersaatinik nutaanik piumasoqartillugu, atermik allannguiniartoqartillugu uppersaatinillu tuluttuumik allassimasunik tunniussisoqarnissamut atatillugu 2019-imi januaarip aallaqqaataanit akiliisalernissamut tunngassutilinnut palasinut ajoqinullu ilitersuut.

Ilitersuummi matumani eqqartorneqarpoq innuttaasut illillu palasitut/ajoqitut 2019-imi januaarip aallaqqaataata kingorna innuttaasoq ilagiinnut uppersaammik nutaamik atermilluunniit allannguiniarluni uppersaatissamik nutaamik piumagaangat qanoq iliussanersusi. Ilitersuut manna ilagiinni atorineqartumut FORMULAR 3-A-mut (Uppersaatinik inniminniineq atermilluunniit allannguiniarluni qinnuteqaammut) tapiliussaavoq, uumalu kinguneraa: *Atuagarsuarni allattuisarneq aamma atinik allannguinermi uppersaatillu ilaasa tunniunnerini akiliuteqartarneq pillugit Namminersorlutik Oqartussat nalunaarutaat nr. 17, 14. september 2015-imeersoq*. Aningaasat ilitersuut manna nalunaarullu tassunga atasooq atorlugu akiliutissatut piumasarineqartut Landskarsimut nakkartinneqassapput.

Suleriaasissaq nutaaq atuutilissaaq januaarip aallaqqaataani 2019-imi, imatullu isikkoqarpoq:

Inniminniilluni immersugassap aallaqqaataasumik pinngitsooranilu immersornissaa

1. Innuttaasoq pisarnertut najugarisamini palaseqarfimmut ajoqimulluunniit suli saaffiginnittassaaq. Tassani innuttaasup qinnuteqaatit immersugassiaq pisortatigoortoq (FORMULAR 3-A) immersussavaa. Innuttaasup uppersaatit arlallit nutarteqqikkusuppagit, uppersaatit nutartertinniakkat tamaasa immikkut qinnuteqaammut immersugassiamut immersussavai. Pisortatigoortumik immersugassiamut tassunga innuttaasup suna kissaatiginerlugu krydsilersinnaavaa (x):

- Immikkoortoq 1-4-miipput uppersaatissat nutartigassat aalajangersimasut sisamat (kalaallisut allassimasut)
- Immikkoortoq 5 aamma 5b-c atermik allannguissamik kissateqarnermut attuumassuteqarput (Immik. 5b aamma 5c imarai katinnermut atatillugu kinguliartaarnerup, nammineq kinguliarisap katinnermi atoqqinnissaanut angajoqqaarsiaasullu kinguliaanik kinguliartaarnissamik akiliinissamut pisussaaffiup avaqqutiinnarneqarsinnaaneranut tunngassuteqarpoq)
- Immik. 6-8-mi pineqarput uppersaatit aalajangersimasut tuluttut allassimasussat

FORMULAR 3-A-mi uppersaartit taaguutaasa suussusii immikkoortuni ataasiakkaani allaqqapput.

Ilagiinnit Kalaallinit uppersaammik piumaguni atiniluunniit allanngortinniaruniuk, innuttaasup tamatigut FORMULAR 3-A immersortassavaa, tamanna aamma atuuppoq innuttaasoq immikkoortup 5b-c-p iluani ilaangitsutut nalunaarfissat marlussuit arlaannulluunniit nalunaarsimagaluaruni.

Palasip atuagarsuarnik isumaginnittup akisussaaffigaa ajoqit tamarmik (nunaqarfinni) immersugassanik (FORMULAR 3-A) piareersimasuuteqassasut januaarip aallaqqaataani 2019-imi. Tamatuma kingorna ajoqit namminnek immersugassanik nunguutsigaangamik nutaanik piumallutik noqqaasassapput.

Palasi atuagarsuarnik isumaginnittoq peqquneqarpoq ajoqinut suleqatiminut tamanut immersugassaq qanoq immersorneqassanersoq pillugu ilitersueqqullugu, ajoqit innuttaasunut immersuinissamut naammattumik ilitersuisinnaaleqqullugu.

Atermik allannguiniarluni immersuivissap immersornerata saniatigut immersuisarnissaq

2. Innuttaasup nr. 1-ip ataani qinnuteqaataa atermik allannguiniartermik imaqarpat, taava innuttaasup atermik allannguiniarluni immersugassaq nalinginnaasoq qaavatigut immersussavaa (FORMULAR 2 imalt. FORMULAR 3, atermik allannguiniarluni qinnuteqaat qanorpiaq ittuunersoq apeqquaatillugu).

Innuttaasoq nunaqarfimmiuppat, ajoqip FORMULAR 3-A aamma FORMULAR 2-3 illoqarfimmi palaseqarfimmut nassiutissavai.

Palasip atuagarsuarnik isumaginnittup isumagissavaa ajoqit tamarmik januaarip aallaqqaataani 2019-imi FORMULAR 2-mik aamma FORMULAR 3-mik piareersimasuuteqassasut. Tamatuma kingorna ajoqit namminnek palasimut atuagarsuarnik isumaginnittumut immersugassanik amigaaqaleraangamik piumasassapput.

Akiliisariaaseq, uppersaartissanik nutaanik aallertarneq sullinneqartarnerullu sivilissusia

3. Tamatuma kingorna innuttaasoq uppersaammik nutaamik piniarluni 150 kr.-mik akiliisassaaq uppersaartissanik nalinginnaasunik kalaallisut allassimasunik piniarluni, imalt. tuluttut allassimasunik nutaanik piniarluni, imalt. 300 kr.-mik akiliisassaaq atermik allannguiniarluni.

Akiliutit Grønlandsbankimut konto 6471-1002764-imut akilerneqarTASSAPPUT. Qaqugukkulluunniit kontantimik palaseqarfimmiluunniit akiliisarnermut atortut terminalit atorlugit akiliisoqarsinnaanngilaq.

Biskopeqarfiup innuttaasup akiliutigisimasaa nalunaarsoreerpagu, akiliutaasimasooq aamma inuup normua, immikkoortullu immersorsimasap normua, naleqq. FORMULAR 3-A, akiliisimasut allattorsimaffiannut tamakkiisumut nalunaarsorneqassaaq. Allattorsimaffik taanna sapaatip akunnerata iluani marloriarluni palaseqarfinnut nassiunneqartarpoq. Nalunaarsukkat palaseqarfiit pisortatigoortumik mailiannut nassiussuunneqartarput. Tamatuma kingorna innuttaasup qinnuteqaataa FORMULAR 3-A (illoqarfigisamiit

nunaqarfimmiilluunniit nassiunneqarluni) tigusimasaq naapertorlugu suliarineqassaaq. Nalunaarsuiffik taanna tiguneqareerpat – akilernerqarsimasutullu tigusimanera qulakkeerneqareerpat, isumannaatsumik palaseqarfiup qarasaasiaaniit nunguterneqassaaq.

Palaseqarfiup nalinginnaasuunngitsumik *tuaviortumik* qinnuteqaammik tigusaqaralaruniluunniit, qulaani periusissiaq allanngornagu malittarissavaa, assigiinngissutaaginnartussaq tassaavoq palasip atuagarsuarnik isumaginittup innuttaasup qinnuteqaataata tigoreernerata kinguninngua *tuaviortumik akiliisimanera* paaseqqaariarlugu, tamanna biskopeqarfimmut nalunaarutigissammagu, pisarnej avaqqullugu akiliisoqarsimammat akiliisimanerup uppernarsaataa biskopeqarfiup tigusimaneraa paasiniaarlugu. Biskopeqarfiup ***allakkatigut*** tigusaqarsimalluni uppernarsaataa PINNGITSOORANI taamatut *tuaviortuni* tamatigut pissarsiariniarneqqaartassaaq.

Tassa imaappoq, suleriaatsimi tassani qanoq ilisukkulluunniit “akiitsortoqarsinnaanngilaq”.

Atermik allanngortitsiniarneq akuerineqanngippat, akiliutaasimasooq utertinneqarsinnaanngilaq, sullissinermut matussutissatut taakku naatsorsuutigineqartarmata.

Sullissinermut naggasiullugu palasip innuttaasooq oqarasuaatikkut attavigissavaa, imalt. mailimisut nalunaarutigisimasaanut, uppernarsaat palaseqarfimmut aaneqarsinnaasooq unnerlugu, innuttaasooq nunaqarfimmiuppatt ajoqimut aaneqarsinnaasooq nalunaarutigineqassaaq. EQQAAMALLUGU kinaassutsimut uppernarsaat assitalik aallertumut takutissallugu piumasarineqassammat.

Suliat taamatut ittut sivisunerpaamik ingerlanneqartassapput ullut pingasut tallimallu akornanni. Tassunga soorunami allakkatigut ingerlaarnerit qanoq sivisutigisimanersut ilanngunneqarsinnaavoq, tamannalu innuttaasumut nalunaarutigineqartassaaq.

Palaseqarfimmi piffissamik atuinerup nakkutigineqartarnera akiliisitsiniarnermut toqqammavittut

4. Akiliisitsiniartarneq (gebyropkrævning) matumani pineqarmat, siullertut ukiut tallimat ingerlanerisa missaanni palasip piffissamik atuinera, aningaasartuutillu allat, aappaattullu akiliut (gebyr) / pisortat “isertitaat”, imminnut naapertuuttariaqarput. Tamanna tunngavigalugu palaseqarfinni tamani mappi allagarsianut tulleriiaagassanut inissiivissaq pilersinneqarlunilu atortunngortinneqassaaq imatut allassimasooq: “Piffissamik atuineq: Atermik allannguinerit uppernarsaatissallu nutaat - Tidsforbrug: Navneændring og genudstedelser”, ukiui piffissarluunniit ingerlaarfia nalunaarsorlugit. Mappip iluaniissapput nunap assinga naatsorsuutillu pisariuallaanngitsut pappiara titarnilersorsimasooq atorlugu ullulersorlugulu ukiulersugaq – kingornalu piffissaq qanoq sivisutigisooq suliamut atorsimanerlugu nalunaarsorneqartassaaq ajornanngippallu immikkoortunut titarnernut marlussunnut nalunaarsorlugu.

Assersuutigalugu titarneq imatut isikkoqarsinnaavoq:

09.01.2019 Uppernarsaammik nutaamik piareersaaneq katillugu 1 time

Mappi taanna provsti palaseqarfimmut tikeraaraangat taassuminnga alakkarneqarsinnaassaaq.

Palaseqarfimmi immersugassat amerlassusiinik nakkutiginninneq

5. Periutsimut nutaamut atortussatut immersugassat nutaat 01. Januar 2019-imiit atorneqartalertussat nassiussuunneqassapput. Palasip atuagarsuarnik isumaginnittup pisussaaffigaa uppersarsaatit taakkulu amerlassusaat nakkutigisarissallugit. Palaseqarfimmi uppersarsaatit immikkoortukkuutaat nungukkiartulersimappata, biskopeqarfimmut nutaanik piniartoqartassaaq.

Biskopeqarfiup ukiut tamaasa januaarip qaammataani palaseqarfimmi oqaluffiup iluani naalagiarnikkut iliuuserisimasat qanoq amerlatigisimanersut, uppersarsaatinillu qanoq amerlatigisunik atuisimaneq naleqqersuuttassavai, tassanilu maluginiaqqunarpoq *uppersarsaatit siuleqanngitsut* – tassa uppersarsaatit naalagiarnermut atatillugu suliaasimasut akiliinissamut pisussaaffittaqqanngimmata (tuluttut allanneqartussatut piumasaqaataasimasut minillugit).

Uppersarsaatit kukkusumik allattoorneqarsimappata, taakku qeqqatigut avillugit siinneqassapput, mappillu iluanut ilineqassapput piffissamik atuisimanermut nalunaarsukkap iluanut (tak. qulaani taanna pillugu eqqartukkat). Tassanngaanniit uppersarsaat kukkusoorlugu allassimasaq ukiup sinneranut naatsorsuutitut ilanngunneqarumaarpoq. //